

ORGANI SHQYRTUES I PROKURIMIT

Sipas Nenit 109 të Ligjit nr. 04/L-042 për Prokurimin Publik të Republikës së Kosovës, i ndryshuar dhe plotësuar me ligjin Nr. 04/L-237, ligjin Nr. 05/L-068 dhe ligjin Nr. 05/L-092

Një ankesë kundër: **Kuvendi Komunal Kaçanik**

Për Aktivitetin e Prokurimit **KA652-19-043-221**

Sa i përket tenderit për **Shitja e mases drusore sipas planit operativ 2019**

ANKESË

1. Identifikimi i ankuesit*

NTPSHZ Lypeteni

(Shëno emrin e plotë të kompanisë suaj)

Rruga UÇK

(Adresa)

Nikaj-Kaçanik

(Vendi)

71000

(Kodi postar)

044120 485

(Numri Telefonit)

(Numri i Faks-it)

Fadil Guri

lypeteni-nikaj@live.com

(Adresa elektronike)

11.06.2019

(Data e parashtrimit të kërkesës)



2. Identifikimi i avokatit

Parashtruesi i kërkesës mund ta parashtroj kërkesën vetëm ose përmes avokatit të tij. Nëse kërkesa parashtrohet përmes avokatit, atëherë duhet bashkangjitur autorizimin e përfaqësimit me **PROKURË**.

Shëno të dhënat si në vijim:

(Emri i avokatit)

(Adresa e plotë)

(Numri i Telefonit)

(Numri i faks-it)

(Adresa elektronike)

(Data e parashtrimit të kërkesës)

(Nënshkrimi dhe vula)

3. Të dhënat mbi aktivitetin e prokurimit

[Shëno një përshkrim të shkurtër lidhur me datën dhe vendin në të cilën është publikuar " Njoftimi për Kontratë" apo "Njoftimi për konkurs të projektimit" dhe, nëse aplikohet "Njoftimi për dhënie të Kontratës", "Njoftimi për Rezultatet e Konkursit të Projektimit" apo "Njoftimi për anulim të aktivitetit të prokurimit", nëse aplikohet, afatin e fundit për dorëzimin e tenderit, datën dhe orën e fillimit të procesit për Hapjen e Tenderëve, si dhe kriteri për dhënie të kontratës].

Njoftimi për Kontratë: 18.04.2019

Afati i fundit për dorëzimin e tenderit: 08.05.2019

Data e hapjes së ofertave: 08.05.2019

Letra Standarde për tenderuesin e eliminuar me dt: 27.05.2019

Njoftimi mbi vendimin e AK për anulimin e aktivitetit të prokurimit: 27.05.2019

Kërkesa për rishqyrtim dt:03.06.2019

Vendimi për refuzim të kërkesës për rishqyrtim dt:06.06.2019

4. Procesi i Hapjes së tenderëve, nëse aplikohet

A keni marrë pjesë në procesin e Hapjes së tenderëve? Nëse po, specifikoni shkurtimisht ecurinë e procesit të Hapjes së Tenderëve.

Po ☒

Jo ☐

5. Njoftimi mbi Eliminimin e Tenderuesve, nëse aplikohet

A jeni njoftuar me shkrim lidhur me eliminimin tuaj nga pjesëmarrja e mëtutjeshme në aktivitetin e prokurimit ?

Po ☒

Jo ☐

6. Zgjidhja preliminare e mosmarrëveshjeve

A keni bërë kërkesë për rishqyrtim pranë AK lidhur me arsyet e eliminimit tuaj?

Po ☒

Jo ☐

Bashkangjitur keni kërkesën për rishqyrtim dhe vendimin e AK-së për refuzim të kërkesës për rishqyrtim.

7. Dispozitat e shkelura nga Autoriteti Kontraktues

Specifikoni dispozitën ose dispozitat e LPP-së që supozohet të jenë shkelur nga Autoriteti Kontraktues që nga momenti i publikimit të Njoftimit për Kontratë/Konkurs të Projektimit, dhe nëse aplikohet gjerë në përmbylljen e këtij aktiviteti të prokurimit me publikimin e Njoftimit për Dhënien e Kontratës apo Njoftimit për Rezultatet e Konkursit të Projektimit apo Njoftimit për Anulim.

Neni 1 i LPP-së
Neni 7 i LPP-së
Neni 59 i LPP-së
Neni 62 i LPP-së
Neni 44.7 i LPP-së

*** Sipas Nenit 118 të LPP, OSHP-ja do të kthej tarifën tuaj nëse ankesa aprovohet si e bazuar. OSHP-ja mund të kërkojë një gjobë shtesë deri në 5,000 Euro në rastet kur OSHP-ja konstaton që të gjitha apo cilado nga pretendimet e parashtruara në ankesë kanë qenë të rrejshme ose mashtruese.*

8. Deklaratë detale mbi faktet dhe argumentet

Përshkruani rrethanat faktike që përbëjnë supozimin për shkeljen e dispozitave të LPP-së. Ofroni deklaratë të qartë dhe të detajuar për faktet dhe argumentet të cilat mbështesin secilën bazë të ankesës tuaj.

Të nderuar, ju njoftojmë se autoriteti kontraktues në këtë aktivitet të prokurimit e ka përgatitur dosjen e tenderit për shitje të aseteve përmes ofertimit publik. Në dosje të tenderit ka qenë e parashikuar që afati i fundit për dorëzim të ofertave është dt:08.05.2019 në ora 14:00 vendi: përmes E prokurimit (kjo ka qenë e përcaktuar në nenin 15.1 të FDT-së).

Kriter kryesor për dhënie të kontratës ka qenë tenderi i përgjegjshëm me çmim më të lartë.

Me dt:07.05.2019, një ditë para hapjes së ofertave autoriteti kontraktues e ka bërë një përmirësim në dosje të tenderit dhe e ka ngarkuar në E prokurim, e ndryshimi kishte të bënte me mënyrën e ofertimit. Neni 15.1 i FDT-së është ndryshuar dhe është përcaktuar si në vijim: "afati i fundit për dorëzim të ofertave është dt:08.05.2019 në ora 14:00 vendi: në zyrën e pritjes **kopjet fizike (origjinali dhe një kopje).**"

Pra është ndryshuar mënyra e ofertimit, nga ofertimi përmes E prokurimit në mënyrën e dorëzimit të ofertave në kopje fizike një origjinal një kopje.

Përderisa është bërë ky ndryshim dhe nuk është parashikuar që ofertat mund të dorëzohen më në E prokurim, ne kemi ofertuar në kopje fizike, ashtu siç ka kërkuar autoriteti kontraktues me njoftimin e dt:07.05.2019. Mirëpo ne për çdo rast e kemi dorëzuar ofertën edhe në mënyrë elektronike me nguti edhe pse sistemi nuk ka punuar si duhet dhe s'kemi qenë të obliguar të ofertojmë përmes E prokurimit.

Ne kemi ofertuar me **çmimin më të lartë** në këtë tender/ankand me çmim prej:52,048.40 € dhe normalisht i plotësojmë të gjitha kërkesat e dosjes së tenderit të kërkuara nga autoriteti kontraktues dhe është dashur të shpallemi fitues.

AK-ja në letrën standarde për tenderues të eliminuar që na ka dërguar me dt:27.05.2019, është shënuar se jemi të përgjegjshëm për këto arsye:deklarata nën betim, licenca, stafi dëshminë për pajisjet traktor (si dhe neni 34.14 i UOP dorëzimi i dy tenderëve kopje fizike dhe elektronike).

Fillimisht ne nuk e kemi të qartë se ku është marr neni 34.14 dhe cilit legjislacion i është referuar, por nëse i është referuar Rregullave dhe Udhëzuesit operativ për Prokurim Publik, ky udhëzues nuk përmban nen 34.14.

Po ashtu ju njoftojmë se të gjitha dokumentet për të cilat AK-ja konsideron që ne nuk i kemi, ne i kemi bashkangjitur në kopje fizike dhe ato mund të dëshmojnë shumë lehtë, por AK-ja në mënyrë shumë tendencioze na ka eliminuar me arsyet e lartpërmendura dhe duke u bazuar në dispozita të cilat ne nuk e dimë se ku i kanë gjetur ata.

Pra ne, i kemi me deklaratë nën betim, me licencë, me staf me pajisje etj, dhe jemi ofertues i përgjegjshëm duke plotësuar edhe kriterin kryesor për dhënie të kontratës, e që ka qenë tenderi i përgjegjshëm me çmim më të lartë, prandaj është dashur të shpallemi fitues.

Në momentin që është bërë ndryshimi i dosjes dhe është kërkuar që të ofertojmë me kopje fizike, tek ne është krijuar një huti se cilës dosje ti përmbahemi dhe cili është më i rëndësishëm dhe kemi ardh në përfundim që ti kushtojmë rëndësi ndryshimit të fundit të dosjes dhe i kemi përgatitur të gjitha dokumentet në kopje fizike, të kompletuara dhe i kemi dorëzuar. Ndërsa E prokurimin e kemi lënë të dorës së dytë, por për çdo rast e kemi dorëzuar në shpejtësi edhe dosjen në mënyrë elektronike, e në mënyrë elektronike mund të mos jetë vetëm deklaratë nën betim, edhe pse nuk është kërkuar në ftesën për ofertim. Mirëpo me rastin e vlerësimit të ofertave duhet të merret parasysh oferta fizike sepse në dosjen me ndryshime është kërkuar kështu dhe këtë ndryshim e kanë bërë autoriteti kontraktues.

Deklaratë nën betim me të gjitha dëshmitë tjera të kërkuara janë në kopje fizike, edhe pse në ftesën për ofertim për shitje tek kërkesat minimale për kualifikim nuk është kërkuar deklarata nën betim. Prandaj autoriteti kontraktues nuk mund të bënë vlerësim të ofertave që janë dorëzuar në mënyrë elektronike, por duhet të bëhet vlerësimi i ofertave që janë dorëzuar në kopje fizike.

Përfundimisht autoriteti kontraktues në këtë aktivitet të prokurimit nuk e ka respektuar nenin 59 të LPP-së, sepse na ka eliminuar neve edhe pse i kemi plotësuar të gjitha kërkesat e dosjes së tenderit dhe të njoftimit për kontratë dhe njëkohësisht kemi ofruar çmim më të lartë në krahasim me ofertuesit tjerë, duke e plotësuar edhe kriterin kryesor për dhënie të kontratës, e që ka qenë tender-ankandi me çmimin më të lartë.

Duke u bazuar në të gjitha sqarimet që i kemi cekur më lartë, rezulton se anulimi i këtij aktiviteti të prokurimit është bërë në kundërshtim me nenin 62 të LPP-së dhe në kundërshtim me nenin 44.7 të Rregullave dhe Udhëzuesit Operativ për Prokurim Publik

(RrUOPP) pika (ii), sepse ne jemi ofertues i përgjegjshëm duke i plotësuar kërkesat e dosjes së tenderit dhe të njoftimit për kontratë dhe është dashur të shpallemi fitues.

Gjithashtu ne jemi diskriminuar në këtë tender-ankand, në kundërshtim me nenin 7 të LPP-së, sepse aty parashihet që Autoriteti kontraktues do të trajtoj operatorët ekonomik në mënyrë të barabartë dhe jo- diskriminuese dhe do të veprojë në mënyrë transparente. Ky diskriminim është bërë për faktin se ne si kompani i plotësojmë të gjitha kërkesat e dosjes së tenderit dhe të njoftimit për kontratë.

Gjithashtu autoriteti kontraktues është dashur të ketë në konsideratë edhe nenin 1 të LPP-së, pasi që dihet se qëllimi i këtij ligji është të sigurojë mënyrën më efikase, më transparente dhe më të drejtë të shfrytëzimit të fondeve publike, burimeve publike si dhe të gjitha fondeve dhe burimeve të tjera të autoriteteve kontraktuese në Kosovë.

Autoriteti kontraktues, me anulimin e këtij aktiviteti, janë duke e dëmtuar interesin e përgjithshëm të Komunes, sepse nëse ne do të shpalleshim fitues me çmimin më të lartë që e kemi ofruar, atëherë inkasimi i mjeteve financiare do të ishte shumë më i madh.

Duke u bazuar në dëshmitë dhe faktet që u cekën më lartë, kërkojmë nga OSHP-ja, që të merr:

VENDIM

APROVOHET, ankesa e OE "NTPSHZ Lypeteni" si e bazuar, dhe lënda të kthehet në **RIVLERËSIM** dhe gjatë rivlerësimit, ekzaminimi, vlerësimi dhe krahasimi i ofertave të bëhet në harmoni me kërkesat e dosjes së tenderit, njoftimit për kontratë dhe konform dispozitave të LPP-së.

Nëse nuk merren parasysh faktet tona, ne jemi të detyruar të vazhdojmë procedurën ligjore në institucionet tjera kompetente.

9. Dëmet materiale

Përshkruaj mënyrën se si shkelja e supozuar i ka shkaktuar ose kërcënohet t'i shkaktojë dëme materiale parashtruesit të ankesës, ne rast se përfshini pretendime për kompensim.

Neve si Operator Ekonomik na janë bërë dëme materiale për përgatitjen dhe dorëzimin e ofertës, përgatitjen e kërkesave për rishqyrtim, ankesave etj, në vlerë prej 5,000.00 euro.

10. Lista e dokumenteve (dëshmime) të bashkangjitura

Nëse aplikohet, bashkëngjitni Ankesës dokumentet e renditura më poshtë:

- a) një kopje të publikimit të "Njoftimit për Kontratë" apo "Njoftimit për Konkurs të Projektimit."*
- b) një kopje të publikimit për "Njoftimin e Dhënies së Kontratës" apo "Njoftimin për Rezultatet e Konkursit të Projektimit" apo "Njoftimit për Anulim".*
- c) një kopje të letrës së eliminimit të tenderuesit/kandidatit/ letrës se tenderuesit të pasuksesshëm/ letrës për mos para-kualifikim.*
- d) një kopje të procesverbalit të hapjes publike të tenderëve, nëse aplikohet,*
- e) bashkëngjit një kopje të vendimit të miratuar nga AK gjatë kontekstit paraprak të zgjidhjes së mosmarrëveshjeve në përputhje me nenin 108A të LPP-se,*

- f) Dëshminë e pagesës se tarifës se ankimit ne përputhje me nenin 118 te LPP-se, dhe
- g) të gjitha korrespondencat e juaja me autoritetin kontraktues duke përfshirë e-mailat si dhe çdo informatë të shkruar që ka të bëjë me këtë aktivitet prokurimi, si dhe me secilin pretendim të paraqitur në ankesë.

***Sipas Nenit 111.2 të LPP, Parashtruesi i ankesës, origjinalin e ankesës do t'ia dorëzojë OSHP-së dhe njëkohësisht një kopje do t'ia dërgojë në mënyrën më të shpejtë të mundshme Autoritetit Kontraktues.